

Morje

Musik & Text Björn Heuser / Verlag: HEUSERMUSIK

G G/H C D G
En Tass Kaffe, ne Breef, in Jedanke bei dir;
G/H C D G
Es lang schon vorbei, die Zick im Revier.
G/H C D Em C D G C D
Wat wore mer hatt, wat hammer jelääv, ich han niemols an Morje jedaach.
G G/H C D G
Ich sinn die Stroß, sinn der Fluss, sinn der janze Verein,
G/H C D G
wo mer domohls jewääse, mer woren immer dobei.
G/H C D Em C D G G/H
Ich sinn dinge Wage, wo mir uns jeleev, ich han niemols an Morje jedaach,
C D G
ich han niemols noh Morje jefrooch.

Em D C G
Du lääs dinge Kopp en minge Schuuß,
Em D C G
flüsters mir in't Uhr, dat do mich bruchs,
Em C D Em A Am D
sääs mer janz leis, dat du mich leevs - du övverdrievs!

Die Stones, Rock'n Roll un jenooch vun dem Zeuch
Dat uns domohls jezeich hätt, wie joot et uns jeiht,
nur immer jraaduss, keine Bleck links un rääts,
ich han niemols an Morje jedaach.

Der Trip an et Meer, en däm Huus hinge am Strand,
mer kohme kaum rus, han uns selver verbannt,
endlose Stunde Autobahn...
Ich han niemols ahn Morje jedaach, ich han niemols noh Morje jefrooch.

Du lääs dinge Kopp en minge Schuuß..

Die Tass Kaffee es leer, dinge Breef joot verstaut,
aff un zo luur ich ren, do häs mer wirklich vertraut,
nur leider ze vill, ich jing drövver en,
ich han niemols an Morje jedaach, ich han niemols noh Morje jefrooch,
ich han niemols op Morje jewaant.